

归田琐记

一
函
四
册
函

歸田瑣記卷五

福州梁章鉅撰

鼈拜

山中故人往來每喜詢朝中故實以擴聞見或問何爲布庫之戲余謂布庫是國語譯語則謂之撩腳選十餘歲健童徒手相搏而專賭腳力勝敗以仆地爲定康熙初用此收鼈拜故至今宮中年節宴必習演之或問鼈拜爲何人曰國初勳舊無不知有鼈拜者追後罪狀昭著而列聖猶曲加軫念疊沛恩施恭讀乾隆四十五年諭曰

朕恭閱 實錄見齎拜以從征屢立戰功歷封公爵

聖祖仁皇帝嗣統與內大臣蘇克薩哈等爲輔政大臣並
加太師是時

皇祖冲齡踐阼齎拜受事以後卽專權自恣擅作威福因
與內大臣費揚古有隙坐伊子倭赫並侍衛西住折克圖
覺羅薩爾弼等以擅乘 御馬及取 御用弓矢射鹿罪
俱棄市並坐費揚古怨望亦棄市並殺其子尼侃薩哈連
籍其家以與其弟穆里瑪又蘇克薩哈係齎拜姻婭亦以
論事齟齬積而成讐因蘇克薩哈籍隸正白旗齎拜欲以

薊州遵化遷安諸屯莊改撥鑲黃旗而別圈民地給正白旗
詔遣大學士管戶部尙書蘇納海與直隸總督朱昌祚
巡撫王登聯丈量酌易經朱昌祚等勘明奏請停止圈
換釐拜卽坐蘇納海以撥地遲誤昌祚等以紛更妄奏悉
逮治棄市且以蘇納海族人英俄爾岱爲睿親王私黨各
部臣盡削世職以洩其忿並以蘇克薩哈疏稱往守
陵寢得以生全之語卽誣坐以懷抱奸詐存蓄異心二十
四大罪應子磔死

皇祖鑒其誣堅不允所請釐拜攘臂強奏累日竟子絞決

並誅其族屬又八對時輒請申禁言官不得上書陳奏時
有竊鼈拜馬者卽捕斬之並殺 御馬羣特長

皇祖以鼈拜黨權不法怙惡弗悛用人行政專恣妄爲文
武各官欲盡出伊門下與穆里瑪等結成黨羽凡事在家
定議然後施行倚仗兇惡毀棄國典特降 諭旨嚴拿勘

審並親加鞫問情罪俱實諸王大臣議請正法

皇祖念其効力年久不忍加誅從寬革職籍沒同其子那
摩佛一併拘禁迨伊死後仍 念其舊勳追賜一等男

皇考世宗憲皇帝御極後賜鼈拜祭葬復一等公世龍娶固

替是鼈拜一身之功罪載在冊籍昭然不爽朕惟大臣爲國宣勤功銘鍾鼎尤當深自斂抑律以奉公以保全終始况以輔臣躬承顧命翌贊機務更宜小心謙謹不可稍涉從恣乃鼈拜當日自恃政柄在握輒敢擅權飭法邀結黨羽殘害大臣罪蹟多端難以枚舉若非

皇祖英明剛斷立予拏究漸將跋扈難馴政事亦不可問至圈地一案相持不決百姓環訴失業幾至釀成大事皇祖不卽加誅僅予褫奪仍給男爵已屬格外之仁至皇考復還公爵時因念鼈拜舊勞伊孫達福才具又尙可

用是以仍子施恩蓋于鼈拜擅權縱恣固所熟聞至其不法欵蹟如 實錄所載纍勳若此未必一一臚悉也今朕備稽事實蹟狀顯然若不覈其功罪明示剗懲在鼈拜一家之僥倖所關猶小而後之秉均執政者無復知所顧忌將何以肅綱紀而杜僉邪乎所有現襲鼈拜公爵之德生本身既無過犯且令承襲侯出缺時卽行停襲公爵仍照皇祖所降諭旨給予一等男爵世襲罔替已足以示國家法外施恩舊勳之意矣 謹按康熙之元

上甫八齡鼈拜正當國恃其勞績肆行無忌

上早洞悉其奸在內日選小內監合之習布庫以爲戲龍
拜或入奏事並不之避且以 朝廷弱以好弄心益恬然
無所顧忌一日入內忽爲習布庫者所擒十數小兒立執
鼇拜付外廷遂伏誅以執燄熏灼之權奸乃執於十數小
兒之手如此除之行所無事非
神武天授其孰能與于斯

噶禮

舊聞吾閩趙二合太史晉典試江南以關節破案實與總
督噶禮朋比爲奸又蘇撫張清恪公伯行因此事與噶禮

互揭罪幾不測惜未詳其顛末後詢之史館諸公始筆記之云噶禮由廕生歷官吏部郎中康熙三十五年

聖祖仁皇帝親征噶爾丹至克魯倫河噶禮隨左都御史于成龍督運第一起兵糧敘功升盛京戶部理事官不三年遂授山西巡撫噶禮曾以霍州牧李紹祖保題潞安守及紹祖使酒自刎匿不敢奏吏議革噶禮職奉

旨畱任御史劉若兼疏劾噶禮貪婪無厭虐吏害民計贓數十萬兩知府趙鳳詔爲噶禮心腹專用酷刑以濟貪壑下噶禮回奏得辯釋平遙民郭朋奇等以噶禮縱庇貪婪

知縣王綬赴巡城御史呈控事 聞且列款八奏一通省
錢糧每兩系火耗銀二錢除分補大同諸處虧帑外八已
銀共四十餘萬兩一指修祠字用印簿分給通省勒捐八
已一縱令汾州同知馬迷婪贓分潤一令家伶赴平陽汾
州潞安三府勒取富民饋送銀兩一因詞訟索臨汾介休
富戶亢時梟梁壩銀兩一納知縣杜連登賄許調缺及連
登以貪婪被揭復曲加庇護一隱匿平定州雹傷不報請
究贓治罪又下噶禮回奏亦以無左證獲免旋內遷戶部
左侍郎復外擢江南江西總督歷疏劾罷江蘇巡撫于準

布政使宜恩恭按察使焦映漢督糧道賈樸知府陳鵬年
等及張清恪公撫江蘇以事積忤噶禮至是公發辛卯科
場不公事正考官副都御史左必蕃亦檢舉知縣王日命
方名所薦之吳泌程光奎二名平日不通文理

上命尙書張鵬翮赴揚州會審張與噶互相疏劾

上復命張鵬翮會同總漕赫壽查審覆奏噶禮免議張伯
行革職贖徒

上切責張鵬翮等掩飾和解贍徇定擬遣尙書穆和倫前
往覆讞仍加所擬定議得旨噶禮屢次具摺叅張伯行

朕以張伯行操守爲天下第一斷不可叅手批不准之諭旨現在此所議是非顛倒下九卿詹事科道會議復

諭九卿等曰噶禮操守朕不能信若無張伯行則江南地方必受其腹削一半矣卽如陳鵬年稍有聲譽噶禮久欲害之曾將其虎邱詩二首奏稱內有悖謬語朕閱其詩並無干礙又曾叅中軍副將李麟騎射俱劣李麟在口內迎駕朕試彼騎射俱好朕於是時已心疑噶禮矣互叅一案初次道官往審爲噶禮所制不能審出及再遣大臣往審與前無異爾等諸臣皆能體朕保全清官之意使正人無

所疑懼則海宇長享昇平之福矣尋九卿等議二人並任封疆互相訐叅有玷大臣之職均應革任

上命張伯行畱任噶禮革職於是天下快之未幾噶禮之母叩閹稱噶禮與弟色勒奇子幹都置毒食物中謀害伊命噶禮妻以別戶子幹泰爲己子縱令糾衆毀屋噶禮攜資財與妻子移居河西務奸詬兇惡請正典刑下刑部鞠訊得實擬將噶禮凌遲處死妻論絞色勒奇幹都並斬幹泰發黑龍江家產八官得

旨噶禮令白盡妻子從死餘悉如部議

隆科多

仁廟升遐之日大臣承 顧命者惟隆科多一人是以
憲廟恩遇極隆 親政之初諭隆科多應稱呼舅舅嗣後
啟奏處皆書寫舅舅隆科多謹按隆科多爲

孝懿仁皇后父佟國維之子襲公爵官吏部尙書加太保
後以四十一款重罪應誅雍正五年獄成奉

旨免其正法於暢春園外造屋三間禁錮死於禁所獄詞
載隆科多私抄 玉牒收藏在家大不敬之罪一將

聖祖仁皇帝御書貼在廂房視爲玩具大不敬之罪二妄

擬諸葛亮奏稱白帝城受命之日卽是死期已至之時大不敬之罪二 盛京兵部主事瑪岱之事屢奉

聖諭隆科多明知平犯復行妄奏大不敬之罪四

皇上賞銀三千兩令修理公主墳墓隆科多遲至三年竟不修理大不敬之罪五

仁廟升遐之日隆科多並未在 御前乃詭稱曾帶匕首以防不測欺罔之罪一 狂言妄奏提督之權甚大一呼可承二萬兵欺罔之罪二 時當太平盛世臣民載德守分安居而隆科多作有刺客之狀故將 壇廟桌下搜查欺罔

之罪三妄奏被劾知縣關隸原係好官欺罔之罪四

皇上謁陵之日妄奏諸王心變紊亂朝政之罪一妄奏調
取年廢堯來亦必生事端紊亂朝政之罪二妄奏舉國之
人俱不可信紊亂朝政之罪三交結阿靈阿揆敘邀結人
心紊黨之罪一保奏大逆之查嗣庭紊黨之罪二徇庇傅
稟沈竹戴鐸巴海不行查叅紊黨之罪三比暱伊門下行
走之蔡起俊紊黨之罪四徇庇阿錫稟法敏將倉場所奏
涸爛倉米著落歷年監督分賄之案巧爲袒護其奏紊黨
之罪五曲庇菩薩保囑托佛格免叅紊黨之罪六任吏部

尚書時所辦銓選官員皆自稱爲終選不法之罪一縱容
家人勒索財物包攬招搖肆行無忌不法之罪二徇庇提
督衙門筆帖式詹泰囑託原任吏部侍郎勒什布改換成
例不法之罪三發遣安西人犯應給口糧並赤金等處應
裁應補兵丁之處故行推諉欲以貽誤公事不法之罪四
因係佟姓捏造惟有人冬耐歲寒之語向人誇示以爲姓
應圖識不法之罪五自知身犯重罪將私取金銀豫行寄
藏菩薩保家不法之罪六挾勢用強恐嚇內外人等不法
之罪七索詐安圖銀三十八萬兩貪婪之罪一收受趙世